

## فرمل قبل رمضان .. "محاضرة" ..

### #الجمعية\_الشرعية\_بالمنشورة .. د . حازم شومان

حازم شومان

السلام عليكم ورحمة الله وبركاته. الحمد لله حمداً كثيراً طيباً مباركاً فيه. غير مكفي ولا مكفور ولا مودعاً ولا عنه ربنا الحمد لله حمداً ملء السماوات وملء الأرض وملء ما بينهما وملء ما شاء ربنا ومولانا وسيدنا من شيء بعد - 00:00:00

الحمد لله عدد ما خلق. الحمد لله عدد ما في السماوات وما في الأرض. الحمد لله عدد ما احصى كتابه والحمد لله على ما احصى كتابه والحمد لله عدد كل شيء والحمد لله ملء كل - 00:00:25

كل شيء الحمد لله وكفى وصلة وسلاماً على عباده الذين اصطفى. اللهم صل على عبدك ونبيك محمد صلى الله عليه وسلم. عدد خلقك ورضا نفسك وزنة عرشك ومداد كلماتك. اللهم صل وسلم وزد وبارك على عبدك ونبيك محمد. عدد قطر الامطار وعدد ورق - 00:00:45

جار وعدد مكاييل البحار وعدد ما اظلم عليه الليل واضاء عليه النهار. اللهم لك الحمد كله وكل الملك كله قل وبيك الخير كله واليک يرجع الامر كله. اللهم لك الحمد كما ينبغي لجلال وجهك وعظمي - 00:01:09

سلطانك لك الحمد حتى ترضى وكل الحمد بعد الرضا وكل الحمد ابداً ابداً. الحمد لله رب العالمين اما بعد اخواني واحبابي في الله اخباركم ايه في شهر رجب وشعبان؟ كيف اخبارنا في الاستعداد لرمضان يا جماعة؟ عاملين ايه؟ احنا النهاردة اهو يعني - 00:01:29 ليلة اربعة رجب. يعني الايام بتعدى بسرعة جداً يا اخواني. يعني احنا الوقت اربعة رجب. يعني ايه اسابيع يا جماعة؟ اخباركم ايه في رجب اخباركم ايه في الاستعداد لرمضان؟ اخباركم ايه في هذه الايام الخطيرة؟ اخباركم ايه في هذه الايام العظيمة؟ اخباركم ايه في الشهرين دول؟ يعني - 00:01:49

الواحد كده بيتنسم فيهم قول الله سبحانه وتعالى. ولما فصلت العير قال ابوهم اني لاجد ريح يوسف. اني لاجد ريح رمضان. يعني الواحد فعلاً يا اخواني يعني مشتاق لكل حاجة في رمضان. مشتاق لكل ملمح من ملامح رمضان. مشتاق لكل لحظة من لحظات رمضان - 00:02:09

في كل لحظة من لحظات الاستعداد لرمضان مش عايزين الفرصة دي تضيع علينا ابداً. مش عايزين الفرصة دي تروح مننا ابداً. مش عايزين الكلمة بتاعة سيدنا كعب ابن مالك اللي راح عليه بسببها غزوة تبوك. اللي راح عليه بسببها اخر غزوة مع النبي عليه الصلاة والسلام. اللي راح عليه بسببها خمسين - 00:02:29

رسول الله مقاطعه فيهم اللي بسببها فرق بينه وبين زوجته. اللي بسببها يعني ذاق من الالم ما الله وحده به عليم اللي بسببها يعني تخلف عن اخر غزوة مع النبي صلى الله عليه وسلم. وهو بيشوف النبي عليه الصلاة والسلام خارج يجاهد في تبوك. وبيقول وانا اقول - 00:02:49

وانا قادر على ذلك ان شئت ان اقدر وقت ما احبك اهدأ اجاهد وقت ما احب اخرج وراء النبي عليه الصلاة والسلام اهـ حصلـيـ النبي عليه الصلاة والسلام. وقت ما احب اعمل زي دول. وفي النهاية ما قدرش وراحت منه الغزوة. اوـعـيـ تقولـ اـناـ قادرـ علىـ ذلكـ انـ شـئـتـ. اوـعـيـ تـقولـ اـناـ - 00:03:09

انـ اـنـ اـخـتـمـ القرآنـ انـ شـئـتـ بـسـ خـلـواـ رـمـضـانـ بـيـجيـ. سـيـبـونـيـ وـمـاـ لـكـوـشـ دـعـوـةـ. اـنـ قـادـرـ عـلـىـ الصـيـامـ وـالـقـيـامـ وـالـخـتـامـاتـ وـالـتـهـجـدـ

والتراویح والاعتكاف يا ابني ده وهم يا ابني. الشیطان بيضحك علي وعليك وعليك. وبيقول لنا عليك عمر طویل فارقد. عليك شهر

تقوله - 00:03:29

نام نام نام ما تصاحاش الوقت خلیک. اووعی تصحی احسن رمضان تکسبه وتفوز به. نام خلیک متخيط قدر اووعی تقوم اووعی تصحی اووعی تتنفس. الوقت اللي احنا فيه ده يا جماعة عایز انتفاضة. لأن معظم الناس صعب انه يفهم يعني - 00:03:49

ايه ابدأ من الوقت؟ يعني ايه اشد حیلی من الوقت؟ يعني ايه انطلق من الوقت؟ عایز انتفاضة. عایز وقفه مع النفس زي سیدنا ابراهیم عليه السلام اذ قال ابراهیم لابيه ازى لا تتخذوا اصنام نالها اني اراك اراك انا شایف بقلبي عین اليقین واني اراك وقومك في ضلال - 00:04:09

مبین وكذلک نری ابراهیم ملکوت السماوات والارض ولیکون من الموقنین. سیدنا ابراهیم ربنا ادی له نور اليقین. ربنا رزقه نور اليقین عمل فلاما جن علیه الله اللیل رأی کوکبة ساب الدنیا وساب الناس وساب بلده وراح في مكان منعزل کله ظلام ولف - 00:04:29

الظلام کما یلف الرحيم الجنین. وقعد وقف حیاته لیه؟ النور ده لو راح مني مش قرف اجیبه تانی. یاما یاما رزقت نور بالقرآن وضیعته لانک اتشغلت عنه بغيره. یاما رزقت نور العزم على انک توصل لربنا وضیعته. یاما رزقت نور - 00:04:49

اننا لا يمكن اکمل کده ولازم اقف مع نفسي وضیعته. لما ربنا يديک نور. لما ربنا يدينا نور يا جماعة. اووعی تفرط فيه اووعی تتشاغل عنه بغيره. الوقتی اللي في قلبه احساس ان رمضان ده شيء عظیم. ان رجب وشعبان دول موسم استعداد عزیم. ان احنا لازم بازن الله سبحانه وتعالی - 00:05:09

الله! نجاهد ونری الله من انفسنا خیرا في هذه الايام استعدادا لهذا موسم التغيیر العظیم. اللي شایف النور ده في قلبه اووعی تضیع النور ده. اووعی هتتشغل عنه بحاجة عایزین نقول ايه؟ عایز اقول لك تخیل لو تخیل لو ربنا رزقك وربنا قادر على كل شيء طبعا وربنا رزقك - 00:05:29

افهم من کده ملیون مرة يعني تخیل لو رزقت عربیة يعني همر مسلا ولا اي حاجة. رزقت عربیة احده عربیة في الدنیا وطلعت بها على الطريق السريع ودست بنزین وطاير وفرحان ما انتاش مصدق بقی ایه طریق فاضی قدامک وانت منطلق ودایس بنزین والعربیة - 00:05:49

یا بتنهب الارض نام وانت ماشي بالعربیة فرحان. جبت میة وخمسین لسه. جبت میة وستین جبت میة وسبعين جبت میة وتمانین. والعربیة لسه انت بتجيیب معک وانت طایر طلقة فجأة لقيت عربیة جایة في وشك. فجأة عربیة بینک وبینها کذا متر. هل تقدر - 00:06:09

لو حطیت رجلک على الفرامل تتفادی الحادسة دي لا يمكن لا يوجد فرامل في الحياة كلها. قدر البشر يوصلوا انک لما تفاجأ بالعربیة قدامک وانت على السرعة الرهیبة دیت انک انت تقدر تفرمل ما ینفعش قال لك ليه؟ قال لك لأن الفرامل دي لازم تبقى من بدري - 00:06:29

ولازم تبقى بالراحة واحدة واحدة. ما فيش حاجة. عشان کده كل الحوادس القاتلة اللي بتحصل على الطريق ايه؟ واحد طایر على میة وستین وفوجی بحاجة قدامه یقوم دایس فرامل فجأة عربیته تتقلب او یدخل ویعمل حادسة قاتلة. الا المفاجأة اللي عایز اقولها لكم یا جماعة ان کل واحد مننا سایق على میة وستین - 00:06:49

اهلا کل واحد مننا سایق في حب الدنیا في الانشغال بالدنیا في التغافل بالدنیا في المشاکل الدنیا على میة وستین میة وسبعين میة وتمانین فینا ناس فاکرہ ان يوم واحد رمضان ھیقوم حاطط رجله على الفرامل قلبه ھیقف عن التفکیر في المشاکل والمشاغل - 00:07:09

انه ھیقف عن التفکیر في کل ما سوى الله ويدخل رمضان وهو مفرمل. والدنیا تمام التمام. ده وهم يا بنی. ده وهم. بدليل انک قل لي صلاة بتدخلها في الخمس فروض بتندوس على الفرامل عشان قلبك یقف عن التفکیر في الدنیا. قلبك ییقف عن التفکیر يا ابني الفرامل عندک بایزة - 00:07:29

اصلًا ده مش بس العربية جديدة وجميلة والفرامل سليمة. بس ما تقدرش تقف الوقفة السريعة ديت. انت يا ابني الفرامل عندك بايظة اصلًا. فرامل عندنا بايظة. بدليل انك كل صلاة بتدوس على الفرامل وما بتتفش. وما بتقدرش تفصل تفكير عن الدنيا ومشاغلها. واهوائها وشهواتها ومعاقيبها - 00:07:49

او مشاكلها عشان كده يا جماعة اللي مش هيدوس فرامل من الوقت للأسف الشديد الحادسة بتاعة اول رمضان اللي بتحصل كل سنة تحصل هتحصل الا ان يشاء الله ربنا شيئا. لازم تدوس فرامل من الوقت. تخيل انت عدى عليك كم رمضان لحد الوقت؟ عشر رمضانات! مسلا في تلات - 00:08:09

يوم بتلتميت يوم يعني ستميت فرصة عتق من النار. يعني ستميت دعوة مستجابة. بعد ستميت فرصة عتق من النار. انت فين يا ترى؟ انت وصلت فين ستميت فرصة عتق من النار. ليه ما تغيرتش؟ ليه زي ما انت؟ ليه زي ما انت؟ ليه يا جماعة؟ رغم ان المفروض لو رمضان واحد كان صح - 00:08:29

ما كانتش الدنيا تبقى كده. عشان كده عايزين نفرمل النهاردة. عايزين نبدأ نفرمل مع بعض يا جماعة. عايزين نشوف موضوع الفرامل ده. لأن الموضوع ده لو ما انتبهناش ليه من دلوقتي لو ما دوسناش فرامل من دلوقتي زي المروحة اللي شغالة داهي لو قفلت الكوبس بتاعها دلوقتي مش هتفق فورا. اوعي تفتكر ان مروحة الدنيا - 00:08:49

في قلبك يدوبك تتك على الكبس في اول رجب عشان المروحة تقف على اخر شعبان عشان تدخل شعبان وانت قلبك بتاع ربنا بجد عايزين من الوقت يا شباب نكتب على قلوبنا وقف لله تعالى. عايزين نكتب على قلوبنا وقف لله. قلوبنا دي بتاعة ربنا بس التلات شهور دول - 00:09:09

باذن الله ربنا يعينا فيهم على نفسنا. الحقيقة المعنى اللي انا عايز اكلمكم فيه النهاردة والمعنى اللي انا حاسس ان احنا لازم نقف امامه. ولازم نتدبر فيه. يا اخواننا احنا بنتكلم دايما عن الدار الاخرة. وعلى فكرة الدار الاخرة ديت اخطر فرامل في الدنيا. اخطر فرامل في الدنيا بس لو احنا فعلا قلوبنا - 00:09:29

احنا دايما بنتكلم على الاخرة يا جماعة واحنا مش حاسين ايه هي الاخرة. واحنا مش حاسين الواحد لما بيتدبر في الفاظ القرآن والسنة في الكلام عن الاخرة. يا جماعة اه في حاجة يا اخواننا لما ربنا يقول يوم يجعل الولدان شيئا. الكلمة دي الوحيدة تشيب. الكلمة دي الوحيدة تشيب. يعني - 00:09:49

في ايه يوم يجعل الولدان شيئا؟ يعني ايه طفل يشيب لما يشوف يوم القيمة؟ يعني يوم القيمة ده ايه؟ يا جماعة لما ربنا سبحانه وتعالى يقول لك وان يوما عند ربك - 00:10:09

كألف سنة وان يوما عند ربك كألف سنة. يعني ايه يومك الف سنة؟ يعني ايه؟ يعني الكلمة دي الوحيدة تشيب اخواننا لما تفكر كده وتبص ربنا اتكلم عن النار قال ايه وما ادراك ما هي ربنا بيقول للنبي انت ما حدش في الوجود يقدر يعرف يعني ايه جهنم - 00:10:19

ما حدش يقدر يعرفها. طب لما ربنا اتكلم عن يوم القيمة قال لك وما ادراك ما يوم الدين؟ وما ادراك ما يوم الدين؟ قال لك وما ادراك يوم الدين يعني وما ادراك ما القضاء يعني شيء فوق التصور. لما ربنا سبحانه وتعالى يا جماعة اتكلم عن الجنة قال لك ولا خطر على قلب بشر - 00:10:39

يعني شيء فوق قدرة الانسان على التخييل اصلًا. يعني مهما تخيل الانسان نعيم مهما تخيل علماء ديكور وعلماء الهندسة في القصور وعلماء الم gioهرات. والتشكيل بتاع الم gioهرات. وعلماء الازياء والموديلات علماء الفنون التشكيلية وعلماء الالوان وخلط الالوان مهما تخيلوا عمرهم ما تخيلوا يعني ايه جنة - 00:10:59

يعني الجنة دي حاجة فوق قدرة الانسان على التصور. يوم القيمة ده حاجة فوق قدرة الانسان على التصور. النار دي حاجة فوق قدرة الانسان على التصوف الموت القبر النزول تحت القبر. النبي عليه الصلاة والسلام بيقول لك آآلوا الا تدافنوا لولا الا تدافنوا دعوت الله ان - 00:11:29

يسمعكم انتم بس لو سمعتم اللي بيحصل في المقابر لو سمعتم اللي بيحصل في مقابر العيسوي دا هي لولا الا تدفوا ما كانش حد هيدفن حد لدعوت ان يسمعكم ان بس تسمع اللي بيحصل هناك. تسمع الزنوب اللي انت بتعملها دي اللي ماتوا عليها من غير ما يتوبوا منها. تسمع بس - 00:11:49

اسيبه علي قد ايه ؟ تسمع معصية السر اللي انت وقعت فيها امبارح او المعصية اللي انت عملتها امبارح ؟ تسمع بس تسمع اللي بتتعزب عليها بسبب انها ماتت من غير ما تتوب منها. بتتعزب عليها عزاب شكله ايه ؟ لدعوت الله ان يسمعكم من عذاب القبر. لولا الا - 00:12:09

تدافنوا لولا ان ما كانش حد هيدفن حد لدعوت الله ان يسمعكم. يعني الموضوع فوق قدرة الانسان على التخييل. لما النبي عليه الصلوة والسلام يقول لو تعلمون ما اعلم لان انت كل الناس معلوماتها عن اللي فوق التراب. لو عرفتم اللي بيحصل تحت التراب. لو عرفتم اللي بيحصل تحت رجليكم تحت الارض. لو عرفتم - 00:12:29

اللي بيحصل للي بيدفن تحت الارض. لو تعلمون ما اعلم لضحكتم قليلا. خلاص ولبكيرتم كثيرا. كنت تلقي الناس في الشوارع ماشية قاعدة تعيط. وما بالنساء على الفرش. يعني مش شهوة الحرام تتعدم من الناس. ده شهوة الحال هتنعدم من الناس. ولخرجتم الى - 00:12:49

اوپات تشارون الى الله. كنت هتلaci ملوك الخليج سايبين القصور بتاعتهم وطالعين يجروا. كنتم هتلاقوا المليارديرات بتوع مصر سايبين الفلل بتاعتهم وطالعين يجروا كنت هتلاقوا التجار سايبين الاسواق وطالعين يجروا. كنتم هتلاقوا الاطباء سايبين المستشفيات وطالعين يجروا. كنتم هتلاقوا المحامين سايبين المحاكم وطالعين يجروا. كنتم - 00:13:09

لقوا الناس سايبين البيوت وطالعين يجروا وكله بيجري يدور على جبل او يدور على صحراء يقف في مكان لوحده ويرفع ايده ويصرخ انقذني يا رب. اغثني يا رب. ولخرجتم الى الصعودات. تجارون الى الله. ده كل ده لو تعلمون ما اعلم. عايز اقول ايه يا جماعة - 00:13:29

عايز اقول من المقدمة دي ايه ؟ عايز اقول يا اخوانا ان يوم القيمة ده فوق القدرة على التصوت على التصور يوم تشخص فيه الابصار يعني ايه تشخص فيه الابصار ؟ مهين مفني رؤوسهم لا يرتد اليهم طرفهم. يعني الاوصاف دي معناها ايه ؟ لما النبي يقول لك ان الموت ده حاجة - 00:13:49

تفوق قدرة الانسان على التخييل. يقول لك ان اللي بيحصل تحت الارض ده حاجة فوق قدرة الانسان على التخييل. يوم القيمة ده حاجة ما حدش يقدر يفهمها. النار دي حاجة ما حدش - 00:14:09

يقدر يستوعبها. الجنة دي حاجة ما حدش يقدر يتخيلها. يعني معنى الكلام ده يا جماعة الخلاصة من الكلام ده. ان احنا احنا مش عارفين يعني ايه اخري. الخلاصة من الكلام ده ان احنا مش فاهمين يعني ايه دار اخري. ان احنا قاعدين في الدنيا واحنا مش فاهمين ايه هي الاخري. ان احنا نفستنا - 00:14:19

اللي قاعدين في الجامع بنعاني من الغفلة. احنا مش فاهمين ايه خطورة الاخري. ايه درجة الاخري. عشان كده سبحان الله العظيم عايزين النهاردة نقف مع اه مشاهد من الدار الاخري بس مش هنقف مع اي مشاهد. احنا هنقف مع اللحظات الاولى في كل حاجة. احنا هنقف مع البدائيات الاولى في كل حاجة. يعني انا - 00:14:39

مش هقول لك يوم القيمة لما الدنيا ايه لما الدنيا تسخن واليوم يحتمد ويحصل المشاهد المفزعه اللي بتحصل في وسط اليوم ده انا عايزين بس نفكراول لحظات يوم القيمة - 00:14:59

شكلها ايه ؟ البدائيات يا اخوانا البدائيات اول لحظات القبر ديت او تحت التراب دي شكلها ايه ؟ اول لحظات النار دي شكلها ايه ؟ يعني وانا جاي ببص في الكتاب دهوت لسنا بامان ده. لسنا بامان ده كتاب يعني واحد يعني دكتور مهندس عامله بيتكلم عادي. ايه الزلزال اللي بتحصل على الارض دي ! يعني ايه - 00:15:09

ارض بيحصل عليها كل سانيتين زلزال. يعني ايه زلزال دي ؟ ايه الزلزال ده ؟ هو احنا قاعدين في خطر الوقتي يا جماعة ؟ باب تاني

يبيقول لك يعني ايه براكيين؟ ايه البراكين دي؟ باب ثلاثة - 00:15:29

بيقول لك يعني ايه اوبيثة. باب رابع بيقول لك يعني ايه اعاصير. باب خامس بيقول لك يعني ايه طوفان. باب سادس بيقول لك قاعد 00:15:39 يجيبي لك صور. قاعد يجيبي لك صور -

زلزال حصلت في بلاد العالم. قاعد يجيبي لك صور براكيين. قاعد يجيبي لك حقائق علمية حولين الزواهر الطبيعية. اللي كده كده بتحصل حوالينا ولكن ممكن تكون بتحصل في بلد غير بلد في مكان غير مكان. انت بتخرج يا اخواننا من التصور ده ان فعلا احنا مطمنين ازاي يا جماعة؟ احنا قاعدين مطمئنين ازاي - 00:15:49

احنا قاعدين بنعصي ربنا واحنا مطمئنين ازاي؟ اللحظات الاولى من يوم القيمة يعني سبحان الله العظيم انا كنت عايز ابدأ باللحظات الاولى في الدار الآخرة ولكن يعني يعني هي جت كده في قول الله سبحانه وتعالى يا ايها الناس ركز معن بقى عيش معن بقلبك 00:16:09 لوجه الله يا جماعة لوجه الله يا اخوانى -

هذا الكلام عن الله يا اخوانى. هذا الكلام عن الدار الآخرة يا اخوانى. الفرق ما بين الصديقين وما بين الناس العادية ان يا جماعة ان ان ان قام ده دخل قلوب ناس وما دخلش قلوب ناس. على قد ما قلبك هيدخل فيه الكلام ده على قد ما هتبقى صوام او لا. على قد ما هتبقى قوامة او لا. على قد ما هتبقى - 00:16:29

ولاء على قد ما هتقدر تعيش الدنيا وانت زاهد فيها او لا. يا اخواننا الكلام ده هو اللي هيخليك زاهد او مش زاهد. يا جماعة الایات دي هي اللي هتخليك عابد او مش عابد. يا جماعة كل المعانى اللي احنا بنقول لازم نعملها. والعبادات اللي احنا بنشكل عليها. والاجتهد اللي احنا بنطلبه على حسب - 00:16:49

الكلام ده في قلبك ولا لا؟ الكلام ده انت عايشاه ولا لا؟ يا جماعة عايزين ان شاء الله بازن الله. يعني نخرج النهاردة ناويين ان احنا لما نقف قدام اية من ايات القيمة بعد كده. اية من ايات الجنة. نقف قدام ان زلزلة الساعة شيء عظيم. اوعى تتعدي يا بنى. اوعى تقول - 00:17:09

سمعتها قبل كده يوم ترونها تذهل. اوعى يا بنى يا بنى اقف اقف والزم نفسك انها تقف وامسك المصحف وافتتح لما تشوف ربنا بيقول لك ادخلوا الجنة انت وازواجكم تحضرون اقف يا بنى. اقف اوعى تعدي الایة. اقف - 00:17:29

في يعني ايه؟ انا لازم اكرر الایة دي تاني. ادخلوا الجنة. الله! اللحزة اللي هم واقفين فيها على باب الجنة. بعد البهدلة اللي اتبهدلوا في الدنيا بعد التهديدات اللي تهددوها من اهل الباطل. وهم مصممين يستغلوا في الدعوة عشان الجنة. بعد البهدلة اللي اتبهدلوا في الليل - 00:17:49

عشان يصحووا وهم نايمين متأخر بس عشان قيام الليل عشان الجنة. وهم بيسبيوا شهوات هيموتوا عليها. بس عشان الجنة وهم بيتعرضوا قدم لضغط نفسي رهيب وهم بيضحو بالدنيا وكل الناس بتتص لهم انهم مجانيين بس عشان الجنة وهو بيقول له النهاردة ادخلوا الجنة - 00:18:09

ادخلوا الجنة. ادخل يا بنى ادخل الجنة. عش في المعنى ده. اقف كرر الایة. امشي ورح وتعالى في المكان كان اللي بتقرأ فيه وعید الایة على قلبك عشر مرات. يطاف عليهم بصحاب من ذهب واكواب. اوعى يا بنتي تعديها. اقفي. شوفي يعني ايه - 00:18:29 صف عليهم عيشي بقلبك. عيشي بقلبك مين اللي هيظوفوا عليك. والصحاب دي فيها ايه؟ والاکواب دي فيها ايه؟ طب قلبك ما هوش قادر يقبل المعنى. لسة مش عارفة تعيش معك. قومي قرري. طب زهقت. مش عارفة تكرريه. امشي واجبri نفسك وانت بتتمشى انك تكرريه. واحدة واحدة يا اخوانى - 00:18:49

نبدأ مع كل اية عن الجنة. طاقة نور تتفتح في قلبنا. مع كل اية عن النار. مع كل اية عن الاحتضار. مع كل اية عن القبر. مع كل كفاية عن الموت. مع كل اية عن القيمة. مع كل اية عن الميزان والصراط. مع كل اية عن حقارة الدنيا. نبدأ - 00:19:09

اتعلم ازاي نعيش دار اخرة صح؟ عشان كده اللي يعني اللي الشر بناء درس الليلة في قلبك انت. يعني انا هاقول لك اية انت ما لکش دعوة بالتعليق اللي انا هاعلقة. انت لك دعوة انت الایة دي عملت في قلبك ايه؟ لما ربنا يقول لك اول لحظات في يوم القيمة -

ركز معی کده و عیش معی کده لان ربنا سبحانه و تعالی حطک جوہ المشهد ده. ربنا حطک جوہ المشهد ده. لما ربنا يقول لك يا ايها الناس يا كل البشرية يا كل ولد ادم بكل القرارات وكل الانجذاب وكل الاجيال. اتقوا ربكم خافوا - 00:19:49 وربنا خافوا ربنا ليه يا رب؟ ان زلزلة الساعة شيء عظيم. يعني ايه الساعة؟ يقول لك ان ساعة الابل يعني لما واحد معه قطبيع كل كل فرض في القطبيع جري في اتجاه ما هوش عارف يلم حاجة. مش عارف يسيطر على حاجة. الدنيا - 00:20:09 قاعد من بين ايديه الساعة كل الناس طالعة كل واحد بيجری في اتجاه من كتر الفزع ما فيش حد قادر يفك في عاد. المشهد ده المشهد المشهد الرهيب ده ده الساعة يا جماعة. ان زلزلة الساعة. قال لك مش لازم الزلزلة دي زلزال ارضي. قال لك فيه انسان يقول لك انا باتزلزل من جوايا - 00:20:29

قلبك يتزلزل ان عقلک يتزلزل. ان نفسیتك تتزلزل. يا اخواننا لما واحد بيتعرض لموقف صعب في الدنيا ممکن يجي له مرض نفسي ممکن يجي له اكتئاب ممکن يجي له توتر وممکن لو الموضوع زاد عليه يلاقي نفسه مضطرب انه يتعاطى ادوية عشان يقدر يترحم من اللالم - 00:20:49

النفس اللي جواه ايه اللي جواه ده؟ نفسیته بتتزلل. بتتزلل زلزال بسيط عشان ابتلاء بسيط من ابتلاءات الدنيا. الاكتئاب بتاع يوم القيمة ده هيبيقى شكله ايه التوتر بتاع يوم القيمة ده هيبيقى شكله ايه؟ الهوس الاكتئابي بتاع يوم القيمة ده هيبيقى شكله ايه يا جماعة؟ الامراض النفسية بتاعة صدمات - 00:21:09

دنيا وصلت الناس انها تبقى نزلاء مستشفى امراض نفسية. الامراض النفسية. الصدمات النفسية بتاعة يوم القيمة هتعمل في الناس ايه الاكتئاب بتاع اللي دخل جهنم هيبيقى شكله ايه. اليأس بتاع اللي دخل جهنم هيبيقى شكله ايه. اللالم النفسي اللي هيبيقى عايش فيه - 00:21:29

زلزلة قال لك النفس نفسها بتتزلل. العقل بيتزلل القلب بيتزلل. انت قلبك بيتزلل وانت بتسمع الكلام ده. ان زلزلة ساعة ده زلزلة الدنيا كل يوم كل سانين بيحصل زلزال في الدنيا يا جماعة. ولكن في زلزال قوية وزلزال ضعيفة - 00:21:49 اومال الزلزال اللي هيأخذ القرارات الستة. الزلزال اللي هيجیب جبال البر في البحر وجبال البحر في البر. الزلزال اللي هيجیب جبال المشرق في المغرب وجبال المغرب في المشرق. عشان كده الامام الرازی ها في التفسیر بتاعه بيقول لك في قول الله وتكون الجبال كالعهن المنفوش. قال لك العهن ده - 00:22:09

الصوف اللي مصبوغ کزا لون حته حمرا وحته صفرا وحته خضرا وحته ف قال لك طب يعني ايه الجبل هيبيقى کزلون؟ قال لك الجبال بتاعة الدنيا هي لون واحد كالجبال جدد بيض وحمرها مختلف الوانها وغرائب سود. قال لك الجبل لون واحد. قال لك يعني ايه الجبل هيبيقى کزا لون. قال لك لان زلزلة الساعة هتصل من الشدة - 00:22:29

ان جبال الارض هتسير من اماكنها. فتلاقي جبال البحر الاحمر دخلت في جبال الهميمالايا. وتلاقي جبال القلب دخلت في جبال سلاسل البحر المتوسط وتلاقي فيبيقول لك ان الوان الجبال هتتدخل لان جبال المشرق هتتجمیع المغرب وجبال المغرب - 00:22:49 تیجي المشرق هو الكلام ده يا اخواننا الكلام ده ممکن يا جماعة؟ ان زلزلة الساعة. طب بالله عليك انت هتعمل انت ايه في الموقف ده؟ لما اتفرجت على فيلم عن مشاهد من بعض - 00:23:09

الزلزال وشفت بعض الصور للزلالز الموضع يفزع قلبك. الموضوع يزلزل قلبك فعلا. الموضوع يخلع قلبك. احنا قاعدين الوقت بس مطمئنين. انت يوميا هتعمل ايه يوم ايه ده ربنا بيقول يوم ترونها ترونها. تا ربنا بيقول كل الناس هتشوفها. الكلام اللي ربنا بيقوله لك ده ربنا حطک جوہ المشهد - 00:23:19

تصدقها الایات حطک جوہ المشهد ده. ان زلزلة الساعة شيء عظيم. قال لك كلمة شيء عظيم ده اسلوب من اسالیب والتضخیم والتفسیم. قال لك بس الاسلوب ده ما بيقولوش غير اللي ما اللي مش قادر يوصف. اللي شاف زلزال مسلا رهیب فيقول لك ده زلزال ده - 00:23:39

حاجة كبيرة اوي. ده حاجة خطيرة اوي. فاللي قدامه فاهم انه بنى ادم مش قادر يوصف. مش عارف يوصف. فيقوم تقول لك شيء عظيم عشان يعني ايه يوصل لك المعنى المهول اللي حصل؟ قال لك انما ربنا سبحانه وتعالى هو ربنا غير قادر على الوصف. ربنا بيقول - 00:23:59

عظيم ليه؟ هو ربنا غير قادر انه يصف القيامة؟ ده ربنا اللي خلقها. لأ ربنا قادر انه يصفها. اومال المشكلة فين؟ انت اللي غير قادر انك انت اللي غير قادر انك تتصورها. انت اللي غير قادر انك تتخيلها. مش هتقدر تتخيل القيامة دي ايه؟ طب اومال نعمل ايه عشان نعرفها يا رب - 00:24:19

انا هاقول لكم هي عملت في الناس ايه. انا هاقول لكم هي عملت في كل جارحة من جواح الناس ايه؟ انا هاقول لكم هي عملت في اللي شافها ايه وانت تتخيل ايه - 00:24:39

هو يوم القيامة ده عشان تبدأ من الوقت تشتغل ليه. ربنا بيقول لك اسمع معي بقى. شف الوصف العجيب. شف الوصف اللي ابو بكر الصديق. لما طلع مسيلمة كذاب فبعض الناس اتهزم فبيكلموا ابو بكر يعني ما يمكن مسيلمة يبقىنبي اوي. قال لهم قال لهم الم تسمعوا القرآن؟ مين اللي يقدر يقول الكلام - 00:24:49

ده غير ربنا وقرأ الآيتين دول من سورة الحاج. يا ايها الناس اتقوا ربكم ان زلزلة الساعة شيء عظيم. يوم ترونها تذهل كل مرضعة عما ارضعت. وتضع كل ذات حملها. وترى الناس سكارى - 00:25:09

اربعة مiliار بنى ادم وما هم بسكارى ولكن عذاب الله شديد. قال لهم مين اللي ايمان الذي يقول هذا الكلام غير الله؟ مين اللي يقدر يقول الكلام ده غير ربنا. ابو بكر استدل على اليقين بالقرآن بالآيتين دول. يروى ان الآيتين دول لما نزلت والصحابة كانوا في جهاد مع النبي - 00:25:29

صلى الله عليه وسلم. ها بيقول لك فتأشب الصحابة حول رسول الله. يعني ايه تأشب الصحابة؟ الصحابة ابو لافيين حوالين النبي عليه الصلاة والسلام وكل واحد فيهم لازق في الثاني وكل واحد فيهم منكمش جوة نفسه وقاعد مرعوب مش قادر ينطق. الصحابة تأشموا - 00:25:49

حول رسول الله صلى الله عليه وسلم. ابو بكر وعمر اصحاب النبي عليه الصلاة والسلام. يعني الصحابة لما سمعوا الآيتين دول كانوا هيتشلوا من الرعب واتشلوا من الفزع. طب انت لما سمعتهم حصل لك ايه؟ طب انت لما سمعتهم عملوا في قلبك ايه؟ يا اخوانا القضية مش ان الآيتين يتشرحوا لك القضية - 00:26:09

هي انت قلبك بيقول لك ايه دلوقتي وانت بتسمعهم. انت قلبك بيقول لك ايه وانت بتسمعهم. الآيتين اللي خلوا الصحابة يتأشبوا. التأشب ده وصف مذكور في حديث مروي عن النبي صلى الله عليه وسلم لما النبي بيوصف السبعين الف اللي بيدخلوا بغير حساب ولا عذاب وببيوصف صالح - 00:26:29

ثم فبيقول لك وحولهم اقوام قد تأشبوا مسلمين. قاعدين حوالين الناجين دول قاعدين بكل زل وانكسار مرعوبين مفزوعين. ها يعني قاعد قاعد مفروع مش عارف يعمل ايه. بينزلل لاي مؤمن انه ياخده معه او يشفع له عند الله. فده رب - 00:26:49

ويوم القيامة الصحابة اترعبوا الصحابة عاشهوا الموقف يا جماعة. الصحابة نفس اللفظ اللي ذكر في حالة العاصي يوم القيمة وصف به الصحابة في الدنيا الصحابة قدرروا يعيشوا الحالة. الصحابة قدرم يعيشوا الموقف بحق وحقيقي. الصحابة - 00:27:09

قدروا الموقف بعين اليقين. الصحابة ارتفعوا من اليقين لدرجة ان نفس لفظ التأشم اللي مذكور مع يوم القيمة هم عاشهوه اتوصفوا به في الدنيا لما تقشروا حوالين النبي صلى الله عليه وسلم من كتر الرعب والفزع والهلع والخوف اللي هم فيه. يوم ترونها - 00:27:29

اذهل كل مرضعة عما ارضعت. ازاي يا رب؟ يا رب ده الام اللي ماسكة ابنها ده. يا رب ده يعني يا جماعة احنا بینا ناس بقى لها عشر

سنين ما خلفتش يا جماعة. وتحت فيها اخوات ممكن تكون بقى لها سنين ما خلفتش. هيموتوا عشان عيل - 00:27:49

هي الام لما بتمسك العيل دي بتبقى حاجة سهلة. انا عمري ما كنت اعرف يعني ايه طفل او يعني سبحانه الله! بس لحد ما يعني جه حمل كده لزوجتي وكان البنت مهددة انها تموت. وزوجتي قاعدة في المستشفى شهر شهرين من قبل ميعاد الواد ده نفسنا بس. ان

ينفع البنت تتولد تتحطط في حضانة - 00:28:09

انا لم اكن اتخيل ان فعلا في حاجة اسمها الضنا غالى. او انك انت الله! هو الانسان يا جماعة ربنا يرزق كل محروم من الزرية يا رب اللهم امين يا رب. فيه ناس يا اخوانا يعني واحدة ممكنا ما تتجاوزش تقول لك انا مش نفسي في زوج انا نفسي في عيل. انا انا يعني لو - 00:28:29

اتزوج احمد وبعد كده اعيش من غير زوج بس نفسي في عيل. الكلمة اللي قالتها السيدة سارة. لما جت الملايكة تبشرها. قالت اللد اللد وانا عجوز! مش احمل اللد! انا هيبقى فيه عيل في ايدي اشيله! هيبقى فيه مولود! يعيط ويأسارني بالليل! واخده في حضني - 00:28:49

وضم السدر ويكبر قدام عيني. يا اخوانا عاطفة الانسان تجاه المولود دي عاطفة رهيبة. عاطفة قهرية. عاطفة عشان كده يقول لك على المولود الضعيف الجبار. يقول لك هو ضعيف بس جبار الدنيا كلها متسخرة عشانه. لو عيطة الساعة تلاتة بالليل البيت كله يتهرب عشانك - 00:29:09

تخيل انت بعد كل حب الانسان لده وبعد عاطفة الامومة المهولة. ربنا يقول لك يوم ترونها. اول هتنهار عاطفة الامومة. او اكبر عاطفة بشرية في الحياة هتنهار مع اول لحظات يوم القيامة. امال الشاب اللي قاعد وسطنا وبيحب بنت! العاطفة بتاعته دي هيحصل فيها يوم القيامة. امال البنت اللي - 00:29:29

اتجوزت وخايفه جوزها بيص لغيرها فماشية متبرجة عشان تفضل شاغلة عينيه. وتفضل حلوة في عينيه. العاطفة دي هيحصل لها يوم القيامة. او مال اللي عصى ربنا عشان اصحابه. العاطفة دي هيحصل فيها يوم القيامة. ازا كان اقوى عاطفة بشرية في الحياة هتنهار. هتنهار مع - 00:29:59

اول لحظات يوم القيامة ده فيه ام هندية لما ولادها الاثنين التوأم اتولدوا عمي ضحت بالقرنيتين بتوع عنبيها عشان يتزرع لده قرنية ويترزع القدر قرنية هتعيش عميا طول حياتها بس عشان ضناها يشوف. عشان ولادها يشوفوا. عشان ولادها يشوفوا. نور الدنيا. متخليين يعني ايه - 00:30:19

امومة دي ترمي ابنها مزهولة في يوم من الايام ايه يوم القيامة ده يا جماعة ايه الاخرة دي يا اخوانا هو اللي احنا بنعمله ده استعداد الكلام ده هو لما ربنا يقول بيصرؤنهم يود المجرم لو يفتدى من عذاب يومئذ بينيه. يعني مش الام - 00:30:39  
ام هترمي ابنها ده تتمنى ان ترميه في جهنم. ترميه في الحطمة. ترميه في لظة. ترميه في سقر ما فيش يأكل من الزقوم ويشرب من الحميم ضناها. بس هي تنجو. يبقى ايه النار دي! يبقى ايه القيامة دي! اللي ممكنا توصلك في يوم من الايام انك - 00:30:59  
تفكر بالطريقة دي. يبقى القيامة دي ايه؟ يبقى كان فيه عاطفة تستاهل انك تعصي ربنا عشانها. يبقى كان فيه الكلام ده بيوصل لك ايه؟ بيوصل لك فوق الموضوع اكبر من كده. الموضوع اكبر من اللي احنا بنتتصوره. واحد يقول لك زهد في الدنيا. لا اصل برضه الزهد مش معناه. يا ابني - 00:31:19

فوق. يا ابني الكلام ده لو دخل في قلبك هتتعرف يعني ايه زهد في الدنيا. يا بنتي الكلام ده لو دخل في قلبك هتعرفي يعني ايه دار اخرة انما لما الكلام ده الاول يدخل في قلبنا وهو ده الفرق بينا وبين الصحابة. واحد صاحبكي ولع عليه السخان وهو بيستحمي. ان حمام ولع نار - 00:31:39

بيقول لي امي دخلت النار. جابتني من النار وخرجت. امه دخلت النار. جابت من النار وخرجت. انت متخيل انك تلاقي دوره الماية بتاعة الحمام دا ايه؟ يعني ربنا يعافيينا اجمعين والعا نار وواحد صاحبك جوة تدخل - 00:31:59

في النار تدخل الحرية تجيب صاحبك وتخرج. الام دي ممكنا في يوم من الايام تمسك ضناها دا هو تقول ارميه في جهنم بس انا انجو. ارميه في النار بس انا انجو. يبقى ايه يوم القيامة ده! ايه يوم القيامة اللي ربنا سبحانه وتعالى بيقول فيه ولا يسأل حميم حميم. ولا يسأل - 00:32:19

العاطفة الحميمية الملتهبة جوة القلب. انت لو شفت ابنك او شفت جوزك او شفت حبيبك او شفت حد انت متعلق بعربيه خابطاه

ومتكوم على جنب الشارع تجري عليه وهتسأل وهتطلب اسعاف وتهجري بقى عالمستشفى ربنا بيقولك يوم القيمة محدث هيسأل في حد محدث هيعبر حد ولا - 00:32:39

يسأل حميم حميمًا مش يعني مش هيسأل فيه اصلاً. مش هيسأل ما له اصلاً. ليه؟ تخيل ايه انت فيه عشان ده يحصل يوم ترونها. يوم ما تشفوفوها. ده انتم لسة ما دقتواهاش. ده حصلش حاجة فيها. منها فيكم - 00:32:59

يوم ترونها تذهل لفظ الزهول لم يذكر في القرآن الا مرة واحدة في هذه الآية. ذهول تذهل كل مرضعة عما ارضعت فعبرت السلام تمانية وتسعين لما ام واب جابوا ابنهم حطوه في العوامة اللي معهم الوحيدة واخته معه واختاروا انهم - 00:33:19  
هيموتوا محروقين العباره كان نصها محروق ونصها بغيرق. اختاروا يموتوا محروقين عشان ابنهم وضناهم ينجوا. ام واب اللاتينين كرم في هذه اللحظة الرهيبة. اسأل الله الا يرينا مسل هزه الاحdas. واسأل الله ان ينجي المسلمين اجمعين من الكوارث. واسأل الله ان يتقبل - 00:33:39

من وجد مسل هزا في الشهداء. تخيل يختاروا ان ضناهم ينجوا وهم اللاتينين يولعوا ويغرقوا دول يوم القيمة ايه اللي هيحصل عشان يقولوا نرمي الولد ده هو نفسه والبنت الصغيرة ده نفسها نرميهم في جهنم يتخلدوا فيها - 00:33:59

بس احنا ننجو يبقى ده شيع رهيب يا جماعة. ده موضوع كبير اوبي يا اخوانا. اللي يخليل الانسان يفكر في يوم من الايام بالطريقة ديت كل الكلام ده معناه ايه؟ معناه ان حاجة ما تفهمش. انما خد بالك انك في يوم من الايام هتفكر كده. خدي بالك - 00:34:19

انت في يوم من الايام هتفكري كده هو التفكير اللي انت مش متخيلة ان فيه بنى ادم يفكر به. فمن الوقتي امني نفسك عشان لما اللحظة دي كيكي تبقي انت في الامن ما انتيش في موقف الفزع ده. وتضع كل ذات حمل حملها. وتضع كل - 00:34:39

حمل حملها كل ذات حمد تخيل كل الكائنات الحوامل الحيتان الحوامل الاسود الحوامل النجوم الحوامل القحط الكلاب الحوامل. كل الكائنات الحوامل هتجهض البنى ادمين الحوامل. الستات الحوامل انت عندك على وجه الارض سبعين مليون امرأة حامل. يبقى سبعين مليون سقطة. طب يعني ايه تضع كل ذات حمل حملها؟ معناها ان الفزع وصل لدرجة انقاض جوة الجسد - 00:34:59  
فبدأت الانقباضات توصل للبطن وللرحم. فبدأ يحصل سقطات طبيعية وتضعه كل. احيانا يا جماعة يعني لو احنا قاعدين دلوقتي في المسجد ودخل علينا خمسة برشاشات عايزين يقتلونا كلنا. ممكن تلاقي واحد اعصابه قوية فيقف ويقول انا ما يهمنيش الموت.  
وممكن تلاقي واحد يقعد ينام في الارض - 00:35:29

يقدر يصرخ ويصوت. ابوس ايديكم ما تموتونيش. انا مش عايز اموت. انا قاعدة اهيت. فدایما الناس في الصدمات بيبقى عندها قوة احتمال مختلفة. انما ربنا بيقول لك هنا قد يوم ترونها تذهل كل مرضعة وتضع كل ذات حمل. حملها يعني الموضوع ما فيش حاجة اسمها فيه تماسك. ما فيش فيه تماسك - 00:35:49

اللي ربنا مش هيسبته مش هيقدر يتماسك. وتضع كل ذات حمل حملها وترى الناس سكارى يعني اول حاجة القيمة ضربتها العواطف. ها تضع يوم ترونها تذهل كل مرضعة. العواطف عاطفة الامومة. عاطفة الحب اول حاجة اتضربت - 00:36:09  
العواطف. بعد كده لما يوم القيمة شد اللي اتضرب الجسد بقى مش العواطف. مش النفسية الجسم نفسه. تضع كل ذات حمل حملها لما يوم القيمة شد اللي اتضرب العقل بقى المرحلة الثالثة اللي بتضرب يوم القيمة العقل اتضرب وترى الناس سكارى طب ربنا في اول الآية - 00:36:29

اليوم ترونها ما قالش في الآخر وترون الناس سكراء. قال وترى ليه؟ لأن خلاص ما عادش ترون الناس. ده الناس نفسها هم اللي سكارى. مين هيشفوف مين ما حدش داري بحد اصلاً. وترى الناس سكارى الناس ماشية بتترنح. الناس ماشية مخمرة في الشارع. سبعة مiliار بنى ادم ماشيين بييه - 00:36:49

هذيان في الشارع من الصدمة العصبية اللي حصلت لهم. وترى الناس سكارى وما هم بسكارى. ولكن ابى الله شديد. هو فين العذاب ده يا جماعة؟ فين العذاب ده يا شباب؟ فين العذاب ده يا بنتي؟ عذاب ايه؟ يا اخواننا ده لسه ما فيش حد فيهم وقف - 00:37:09  
في ظل في حر الشمس. يا جماعة دا لسة ما فيش حد فيهم دخل جهنم. يا جماعة دا لسة ما فيش تعزيب. دا كل دا رؤيا يوم ترونها

وترى ده كل ده مجرد مشاهد بس انشافت. ما حدش لسه اتعزب. تخيل ان ده ربنا قال ولكن عذاب - 00:37:29

والله شديد. عايزين يا اخوانا يعني حاول نعيش مع ايات الاخرة في القرآن. عايزين حاول نتخيل من الايات اللي تزهل قلبك في القرآن. قول الله سبحانه وتعالى هو بيوصف لك اللحظات الاولى مش في يوم القيمة بقى. اللحظات الاولى في النار وفي الجنة. اللحظات الاولى يعني شف ربنا - 00:37:49

بقول لك مشهد غريب جدا. يقول لك اسمع كده. اسمع بقلبك. ركزي كده بقلبك. شوفوا ربنا بيقول لك هذان. هذان يعني ايه لما اقول لك هذه الساعة يبقى الساعة دي قدام عيني وباقول لك ايه يبقى حاجة متشافه حاجة محسوسة وملمودة ومرئية. هذه الساعة - 00:38:09

يبقى هزا دي بتشير لحاجة قدام عينيك انت شايفها. فربنا بيقول لك المشهد ده انت لازم تشووفه بعدين قلبك. المشهد ده انت لازم تعبيشه بقلبك انك انت شايفاه قدام عينيك. اهو هذان خصمان اختصموا في ربكم في ربهم. فالذين كفروا. اسمع بقى - 00:38:29  
دي نزلة في اول ثلاثة بارزو من جيش المشركين في بدر. بارزوا ثلاثة من جيش المسلمين في بدر. راس الحرب يا جماعة. عارفين يقول لك الطلعة الجوية في حرب ثلاثة وسبعين او راس الحرية يا جماعة. اللي كانوا راس حرية للكفر وراس حرية للدين. ربنا بيقول لك دول بيحصل لهم ايه ودول بيحصل لهم ايه؟ انا عايزك بس - 00:38:49

تتخيل المشهد اللي هيحصل دلوقتي هذان خصمان اختصموا في ربهم. فالذين كفروا شف ست جمل نارية ست جمل كل جملة منها تخلع القلب خلع. واحد قطعت لهم ثياب من نار. ثياب من نار ازاي يا رب؟ هي النار بتبقى قماشة يا رب - 00:39:09  
هو ممكن واحد يلبس حرية هو ممكن واحد يلبس نار توب نار متفصل على قد جسمه. قطعت لهم ثياب من نار. اتنين قب من فوق رؤوسهم الحميم. الحميم يا رب ده ده الحميم ده ذي الحمم البركانية. المعادن اللي من كتر الغليان دابت يا رب - 00:39:29  
القمم البركانية دي يا رب تخلی البنی ادم يعني تخلی البنی ادم ايه ده مش ينصلح في لحزة ده ما عدش يبقى له معالم اصلا في لحزة. يوم هذان خصمان اختصوا في ربهم فالذين كفروا واحد قطعت لهم ثياب من نار. اتنين يصب من فوق رؤوسهم الحمير - 00:39:52

ثلاثة يسهر به ما في بطونهم والجلود. اربعة ولهم مقامع من حديد خمسة كلما ارادوا ان يخرجوا منها من غم اعيدوا فيها. ستة وذوقوا عذاب الحرير ايه الانتقام ده يا جماعة؟ ده عذاب انتقام العذاب اللي موصوف ده عذاب انتقام انتو عارفين وربنا بيقول لهم مقامع من حديد الواحد بيفتكر اهل - 00:40:12

فاطن اللي قمعه المؤمنين. اهل الباطل اللي كان عندهم الله قمع يقع بها الملتهبين. يcumعوا بها اللي عايز يتدين. يcumعوا بها اللي يقول كلمة حق في وجه الظالم. الواحد بيسحس ان آآ يعني ايات النار جاية مع كل الات التعذيب اللي الانسان اخترعها للانسان. اللي - 00:40:42

هل الباطل اخترعوه عشان اهل الحق؟ ربنا بيقول لك قطاعت قطاعت ده فعل ماضي يا جماعة. وقطع ده بوزن التشديد. معناها السرعة. يعني ده بيموت والملائكة بالسرعة بتفصل له من جهنم فبيلبسه. وقطع ده لفظ فيه شدة. اللبس ضيق جدا. النار هتفضل لامسة جسمه - 00:41:02

ولمسة جلد اربعة وعشرين ساعة هيصحى لابس نار وينام لابس نار وبيدله عليه اطقم نار والعياذ بالله. انت متخيل يعني ايه انسان لابس انسان لابس نار وهو لا يستطيع ان يفارقه ولا يستطيع ان يخلعه. والعياذ بالله. قطعت لهم على قد مقاسهم. ثياب - 00:41:22  
باب من نار. انسان هيعيش بالمنزد ده يصاب بباب فعل مضارع بقى. يعني معناها ان هيقوم مرمي في زنزانة في جهنم ويفضل عذب بانواع العذاب ده باستمرار. يتعذب به ويرجع يتعذب به. يصب من فوق رؤوسهم الحميم الحمم البركانية الجهنمية دي تتصب على - 00:41:42

فدماغه تسيح دماغه. تنزل في البطن تصرخ البطن من جوة. يصب من فوق رؤوسهم الحميم. يصرخ انت عارف يعني ايه؟ انسان مش قادر ياخد نفسه؟ مش قادر. المرة دي انت بتحاول يعني يقول لك - 00:42:02

عزاب الغرق ده صعب قوي لأن واحد قعد دقيقه ما ياخدش نفسه على ما مات. انسان عايش من ضمن انواع العزاب عزاب قطع النفس. والعياذ بالله قطع نفس كلما ارادوا ان يخرجوا منها من غم اعيدوا فيها. يعني ايه اعيدوا فيها؟ يعني الملائكة بتاعة العزاب تسبيهم - 00:42:22

يهرروا من الزنزانة ويهرروا من دركة العزاب اللي هم فيها. ويقربوا من ابواب جهنم. واول ما يحسوا انهم خلاص هيهربوا وما حدش مش واحد باله منهم يقوم مقبوض عليهم تعالوا العزاب ده اسمه عزاب ايه ايه ايوة انا سامع كلمة صح لا - 00:42:42  
لا اسمه نفسي صح. ايه في النفس بقى ؟ سمعت الكلمة دي ؟ ايوا. التي تقيس انه ييأسوه. يعني لو من اولها منعوه من خروج الزنزانة.  
انما ده سابوه يظن انه هيخرج - 00:43:02

لحد ما خلاص قرب تعالى انت فكرك انك بعيد عننا. ده انت كل الكاميرات عليك. تعال عزاب التبييس اعوذ بالله وبعد ما يبأسوه رموه في الزنزانة تاني يتقال له وذوقوا عذاب الحريق. اتحرقم اتحرقم والعياذ بالله - 00:43:22  
دوقوا الحرق والعياذ بالله. لأن الملايكة نفسها قلوبها مليانة غيظ عليهم. والعياذ بالله. ايه ده يا جماعة؟ ده ده الرجل ده ربنا بيوصف سابوا جسته لسة الدم بيغور منها. اومال اه شوفوا ربنا بعدها سبحانه وتعالى. الآخرة دي يا جماعة - 00:43:42

والله يا اخوانى احنا غافلين. والله يا اخواتنا احنا غافلين. يا جماعة هنفضل في غفلة لحد امته؟ يا اخوانا مش هييفوتنا غير هذا الكتاب مش هييفوتنا غير ايات الجنة والنار والقيامة في هذا الكتاب. بس نقرأها صح. يا جماعة الشهرين دول ان شاء الله شهر قرایة القرآن صح. نقف قدام الاخرة نغسل قلوبنا بها. عشان على اخر رمضان ان شاء الله الايات دي تخليك تقف من طولك وانت بتصلی. يغشى عليك وانت بتصلی. بعدها ان الله يدخل الذين امنوا وعملوا الصالحات جنات - 00:44:22  
يا ربى ايه ده! هو بعد الايات بتاعة المقادير دي ان الله يدخل الذين امنوا وعملوا الصالحات مات تجري من تحتها الانهار. يحلون فيها من اساور من ذهب ولؤلؤ! ولباسهم فيها حرير - 00:44:42

نقف مع هذه اللحظات الاولى من الجنة برضو ولكن بعد اذان العشاء ان شاء الله. الحمد لله وكفى وصلوة وسلاما على بال الذين اصطفى. أما بعد قطعت لهم ثياب بالنار يعني ايه يا جماعة؟ هو في ناس اول ما هتموت هتخش جهنم؟ ها؟ جوة جهنم - 00:45:02 اول ما يموتوا هيخشوا جهنم يا اخوان! هو مش اللي بيموت لو عليه عذاب يتعزب في قبره! هو عذاب القبر ده درجات اصلا! هو فيه واحد ممكن يتعزب وواحد يترمي في زنزانة من زنازين جهنم اول ما يموت والعياذ بالله هو نعيم القبر ده برضو درجات فيه انسان ممكن ينعم في قبره - 00:45:22

وأنسان أول ما يموت أن الله يدخل الذين امنوا وعملوا الصالحات. جنات تجري من تحتها الانهار. أنت متخيّل يعني الوصف الملكي ده شكله ايه؟ يعني قصور الامراء دائمًا تلاقيها معمولة في السعودية دائمًا تلاقي قصور الملوك دائمًا تلاقي قصر ملك السعودية مسلا في المدينة - 00:45:42

فوق جبل. قصر ملك السعودية في مكة فوق جبل. يعني دايماً ما تعرفش ايه العلة. بس هو دايماً كده تلاقي قصور الملوك يجي لك على جبل كبير كده ويقوم مجرى جوة الجبل وسلام جوة الجبل ويقوم باني لك على قمة الجبل الاصل. فكل الناس تبقى ماشية في البلد وقاعدة تبيض للقصر. يا نهار ابيض ! ايه ده ! يا ترى فيه جوة - 00:46:02

هنا ايه ؟ يا ترى ايه اصناف النعيم اللي ها يعني يعني يا ترى القصر ده جواه كم كيلو لحمة الوقتي مسلا يعني ؟ مسلا على سبيل المثال يا وفيه كم علبة عصير الوقتي جوة القصر ده. مسلا يعني ده لو واحد طيب زي حالاتكم يعني ممكن واحد يبقى دايمانا تلاقى، قصور الملوك - 00:46:22

الدنيا يا جماعة تجري من تحتها موسى - 00:46:42

الصرف الصحي. انت عارف يعني ايه تجري من تحتها الانهار؟ انت عارف المنزد وصفه ايه؟ انت عارف ده معناه ايه؟ معناه في  
غاية العبث عجب يا جماعة انك انت قاعد في قصر والانهار قاعدة تجري من تحته. يحلون فيها. يحلون الحلاوة بقى. الحلاوة. يعني  
يقول لك البنت - 00:47:02

انت بتلبس حلي ليه ؟ عشان اللي عايز يتجوز يقول لك انا نفسي اتجوز دي. فتبقى حلاوة يحلون فيها. ده ده  
نعميم الرجاله او مال نعيم النساء شكله ايه ؟ اذا كان الرجال ممكن تلبس من هزه الخلية. او مال الذهب بتاع النساء شكله ايه ؟ يحلون  
فيها من اساور. قال لك اساور - 00:47:22

اساور دي جمع. جمع ايه ؟ جمع اسوره. قال لك ده اسوره دي جمع برضه. جمع ايه ؟ جمع سوار. يعني اساور دي جمع الجمع. انت عارف  
لما ادخلك محل فيه خمس تلاف طقم مجوهرات. واقول لك اختار الطقم اللي يخطف عينيك. يعني الجنة فيها كمية من تشكيلات  
الازياز والمجوهرات - 00:47:42

وتخيل بقى تشكيلات مجوهرات الجنة دي شكلها ايه ؟ شوفوا يعني انتم عارفين يا اخوانا اما اقول مسلا تشكيلات المجوهرات  
فممكן واحد قاعد وسطنا كده يقول اه ماشي كوييس حلو ان شاء الله نبقى نشوف بكرة بقى. ها انما لو فيينا واحد مين يا جماعة اللي  
الكلمة دي ممكن تخطف قلبه - 00:48:02

مین اللي الكلمة دي تخطف قلبه؟ ايه؟ لو واحد ملياردير قاعد وسطنا فاهم يعني ايه مجوهرات؟ انما يا ابني انت هتفهم مجوهرات  
يعني منين اصلا؟ انت انت جاي تاكل يا ابني! انت لاقي تاكل! يا ابني اللي يفهم كلمة مجوهرات! كان اخويا كده مرة باتكلم معه  
فدخلنا محل كده - 00:48:22

يعني ناكل كده من الحاجات اللي جنبنا هنا دي كده فبقول ياه المحل ده مبهر فاخويا يعني ايه يعني دخل محلات  
شوي يعني فيقول لي يا ابني اصل انت ما شفتش مطاعم اصلا. انت انت لو فاهم يعني ايه مطاعم هتعرف انك قاعد في مكان -  
00:48:42

يعني ما حدش ينفع يقعد فيه اصلا. يعني انا قاعد مبهور وده بيقول لي يا ابني انت ما شفتش مطاعم. فساعات الواحد كده يعني  
ممكنا يطلع على حاجات افتكر كلمة اخويا - 00:49:02

يبدو ان انا فعلنا ما شفتش مطاعم. فيا اخوانا اللي اللي الكلام ده يشده اللي فاهم الكلام ده اصلا. انما واحد يقول لك يعني ايه اطقم  
مجوهرات يعني؟ يعني زي الخاتم الذهبي - 00:49:12  
اللي بشوفه في المحل وانا ماشي من برة يا ابني انت مش عارف عينيهما جاي وراك. انت ما شفتش المجوهرات والاحجار الكريمة  
وحباية اللؤلؤ اللي بكم مليون والعقد اللي مش عارف آآآ بميت انت ما شفتش الحاجات دي. فانت يعني يعني انت قاعد تخيل اللي  
الكلام ده ممكن يلهي في قلبه ايه - 00:49:22

اللي عايش الكلام ده او اللي شايف الكلام ده او اللي شايف فيه ابداع البشر وصلوا لدرجة من الابداع في جمال هزه الاشياء. لدرجة  
ايه ؟ فربنا يقول لك يحلون فيها - 00:49:42

من من دي معناها تخيل بقى ملايين الاطقم من المجوهرات وانت بتتنقى كمان منها من اساور من ذهب ولؤلؤة وكمان اطقم من لؤلؤ  
ولباسهم فيها ولباسهم فيها حرير. الحرير ده زمان كان بيتباع وزنه دهب ولا يزال الى الان هو اغلى - 00:49:52  
ده نوع قماش موجود على وجه الارض. يعني تخيل كده الحرير ده كان زمان ما بيجييش غير نصين لحد ما عرفوا يقربوا دودة الاز  
دي من الصين. فبدأت الناس انما - 00:50:12

انت متخيل الرفاهية النعيم ده اسمه نعيم ايه؟ النعيم ده اسمه ايه؟ نعيم التميز داخل الجنة يعني ايه؟ يا جماعة قصر الجنة له  
درجات. ان ربنا يديك قصر بالمنزد وتجري من تحته الانهار وتنزل تصب على باقي اهل الجنة. وربنا يلبسك الحلي - 00:50:22  
دي مخصوص وربنا يلبسك اللي يخطف العين ده مخصوص. يبقى ربنا يريد ان اهل الجنة نفسهم بيصوا له ويقولوا مين ده يا  
جماعه الجنة فيها تميز زي ما الدنيا فيها تميز. اوعوا تفتكروا ان الجنة كل الناس زي بعض. اوعوا تفتكروا ان الجنة كل الناس. الجنة

كل الناس راضية - 00:50:42

كل الناس سعيدة انما مش كل الناس زي بعض. زي ما في الدنيا في واحد ممكן مسلا لو نزل بلد البلد تتقلب عشانه. الجنة كده. زي ما في الدنيا في ناس عندها يعني ربنا مدتها ارزاق خاصة باهرة الدنيا كلها. بالمجوهرات اللي ربنا اداها لها والاموال اللي ربنا اداها الجنة كده يا جماعة - 00:51:02

الجنة فيها نعيم تميز. بس الدنيا ربنا ممكنا ادي لواحد كافر الكلام ده. انما الجنة على حسب العمل الصالح. نعيم التميز. مين اللي خد النعيم ده اللي كان راس حرية للدين. اللي وقت ما الناس كانت نافرة عن الدين هو اللي شال دين. اللي وقت ما الناس ما كانتش عايزه تشتفل في الدعوة هو اللي اشتغل فيها. هو اللي شال - 00:51:22

الدين وشال قضية الدين. المقصود يا اخواني في الله ان قضية الآخرة دي مش لعبة يا جماعة. يا جماعة بلاش نقدر نقول بقى النار. الجنة انت عارف يا ابني يعني ايه النار؟ لما ربنا يقول لمحمد ابن عبدالله وما ادراك ما هي انت تعرف يعني ايه النار؟ لما ربنا يقول للنبي وما - 00:51:42

تراكم يوم الدين. وما ادراك ما القارعة! انت تعرف يعني ايه يوم القيمة؟ لما ربنا يعلم النبي والنبي يقول لولا ان لا تدافنوا لدعوت الله ان يسمعكم من عذاب القبر. انت تعرف يعني ايه قبر؟ انت تعرف يعني ايه موت؟ انت تعرف يعني ايه نعيم وعذاب - 00:52:02

يا اخواني في الله لما ربنا يقول ان وان يوما عند ربكم كالله سنة كلمة تزلزل القلب وتزلزل الكيان من يجعل الولدان شيئا. مهضعين مقنعي روؤسهم. لا يرتد اليهم طرفهم. انت عارف يعني ايه احساس انسان. عينيه مش قادرة - 00:52:22

تقفل من الفزع اللي هو فيه. انت عارف يعني ايه يخرجون من الاجادات ها مهتعين الى الدهر يخرجون من الاجادات كأنهم جرد انت عارف يعني ايه يوما يجعل الولدان شيئا او صاف القيمة في القرآن تشيب العقل تزلزل القلب تزلزل الكيان لما ربنا - 00:52:42

يقول لك تزهل كل مرضعة عما ارضعت وقف ايام ماسكة ضناها في ايديها. وقل لها لو سمحت يا امي. هتقول لك نعم يا ابني. او نعم يا اخويا اي حاجة - 00:53:02

لو شلت ابنك من بين ايديك وحطيت مكانه خمسين مليار دولار. اه هتبص لك من فوق لتحت على انك انسان ما انتاش فاهم اصلا يعني ايه امومة وتسبيك وتمشي. يعني معنى ان الام ترمي ضناها في الارض. امال الفلوس هيبقى قيمتها ايه بقى؟ اسأل ايام كده - 00:53:12

ده ابنك اللي اغلى ولا مليارات العالم هتقول لك ولا في ضفره مليارات العالم. يبقى معناه الدنيا دي هتبقى ايه يا جماعة؟ معناها ان يوم القيمة ده هييجي هيخلி الدنيا - 00:53:32

لو يوم القيمة ده جه في قلبك الدنيا هتبقى دي قيمتها من الوقت. لو الدار الآخرة والجنة والنار جم في قلبك الدنيا دي هتبقى ميته من دلوقتي اتكلمنا في الكلام ده يعني وسبحان الله العظيم المفروض كان فيه مشاكل كثير جدا مفروض نقف معها ولكن مش القضية احنا هنقف مع مشاهد ايه. القضية يا ابني في حاجة انت - 00:53:42

انت بتفكر في الوقت ولا لا؟ قضية الآخرة يا جماعة. يا اخوانا احنا بدأنا الكلام واحنا بنتكلم عن رمضان. وبنقول تخيل لو انت راكب عربية على سرعة مية وثمانين كيلو على الطريق السريع. وفجأة لقيت عربية جاية في وشك. لا يمكن هتقدر تفرمل. طب لو العربية مرسيدس والله - 00:54:02

ولو العربية همر ما في فرامل في الدنيا تعرف تتعامل مع هذا الموقف. اللي بيتعرض للموقف ده ربنا يعافينا دول اللي بيموتوا في الحوادث. او العربية بتاعتهم بتتقلب وبيموتوا في الحوادث. ما فيش يا بنى انت ماشي على مية وثمانين في اشغال قلبك بالدنيا. قلبك دايس بنزين في طريق الدنيا. او عى تفتك انك - 00:54:22

تفرمل يوم واحد رمضان. واول ما تلاقي اشغال دنيوي جاي عليك هتعرف تفرمل وتقول له لأ. مش وقتكم والله يا حبيبي هتختبط فيه هتختبط تطفيء مش هتقدر قلنا ان لازم نفرمل من الوقت يا جماعة. قلنا ان ما فيش حل لتنافي الحوادث غير انك انت تفرمل من بدري. لازم تفرمل - 00:54:42

من اول رجب عشان تعرف تدخل رمضان وانت ما انتاش خابط. ما انتاش عامل حادسة. انما حوادس اول رمضان اللي بتحصل لكل من لم لهذا الشهر يعني ربنا يحفظنا يا رب ده بسبب ان هو ما فرملش من بدرى لازم تفرمل من بدرى. يا جماعة الكلمة اللي اتحرم بسبيها سيدنا كعب - [00:55:02](#)

ابن مالك من اخر غزوة مع النبي عليه الصلاة والسلام غزوة تبوك الكلمة اللي بسببها ربنا قال وعلى الثلاثة الذين خلفوا واتقال ان هو هو من الثلاثة الذين خلفوا كانت الكلمة انا قادر على ذلك ان شئت. انا اقدر. اوعى الشيطان يخمنك في نفسك - [00:55:22](#) اوعى كل سنة تتغير في نفسك. ويديها لك انك قادر على العبادة. بس لما ييجي رمضان ان شاء الله هتشوفه. لان اتنى رمضان اترون ما اصنع؟ حبيبي مش هتصنع. حبيبي هتصنع اللي صنعته. الكلمة قطعت قلبي. وانا قاعد مع مجموعة من اخوانى من كزا يوم. والله يا جماعة الكلمة - [00:55:42](#)

يعنى لم اتخيل لم اتخيل ان في اخ اصلا يقول الكلمة دي. لم اتخيل واحد بيقول انا من رمضان اللي فات لحد النهاردة ما قعدتش ولا جلسة ضحى. يا نهار ابيض! انا اعرف ناس - [00:56:02](#) ان رمضان اللي فات لحد النهاردة ما ضيعتش ولا جلسة ضحى. الا ان هي تعد لك. تقول لك يوم كزا عشان كزا ويوم كزا عشان كزا. يقول بيقول لي انا من اول - [00:56:22](#)

من رمضان اللي فات لحد النهاردة ما قعدتش ولا جلسة ضحى. انا انا ماشي بعدها في الشارع ايه ده! هو فيه كده يا جماعة! هو فيه ايه انسان دمه بارد في دينه للدرجة دي يا جماعة؟ هو فيه انسان بقى له سنة ما قامش ليل - [00:56:32](#) وعايش وما جالوش زبحة ربنا يعافينا اجمعين يا رب. وما ماتش وما قلبش الدنيا عشان تشفو المصيبة اللي هو فيها! هو فيه ناس يا جماعة دينها رخيص عندها كده! هو فيه ناس يا جماعة هادية تجاه امور الآخرة بالمنزد ده - [00:56:52](#)

ان ان اخ يقول لك انا من رمضان اللي فات ما ختمتتش المصحف. ما فتحتتش المصحف. انا من رمضان اللي فات ما قمتتش ليل. ليه يا اخواننا فيه وهو كان مقطع سجاجيد الصلاة رمضان اللي فات. لانه كان بيعلي من غير اساس. ارموا اساس الوقت يا اخوانى. دعاء رمضان بس ممكن يغير حياتك - [00:57:12](#)

اعتكاف رمضان بس ممكن يغير حياتك. تهجد رمضان بس ممكن يغير حياتك. صيام رمضان لو اتصام صح بس ممكن يغير حياتك رمضان ده الف حاجة كل حاجة منهم ممكن تغير حياتك. النبي عليه الصلاة والسلام قال انتظار الصلاة بعد الصلاة. انك تصلي الضهر وتفضل قاعد في - [00:57:32](#)

المسجد تعبد ربنا لحد العصر. استعدادا لصلاة العصر. اللي كلها ما بتاخدش تلت ساعة. تقدعد تلات ساعات تستعد لتلت ساعة. يعني الاستعداد بيقى اضعاف العمل نفسه. عشر اضعاف. يا شباب يا شباب فيه ناس بالنسبة لها رمضان خبطة - [00:57:52](#) في العمر وناس بالنسبة لها رمضان ها عارف يعني ايه خبطة؟ المفرط رمضان بالنسبة له خبطة السنة. يقول لك هاخط لي خبطتين في العشرة الاواخر ابقى من اهل الجنة واعيش شبابي باقى السنة. المقتضدين بالنسبة لهم رمضان شحنة السنة. يعني ايه؟ يقول لك انا هعبد صحي رمضان - [00:58:12](#)

عشان طول السنة بقى ما اقعش في معاصي سر ما اقعش في علاقة حرام. ما اقعش في آآ في نظر لحرام افضل مزبط نفسي كده ملضم نفسي لحد ما يجي رمضان اللي بعده. وفي - [00:58:38](#) المجتهدin بالنسبة لهم رمضان حصاد السنة. يقول لك رمضان ده لا شحنة السنة ولا خبطة السنة. ده رمضان ده انا بقوم الليل طول السنة عشان اعرف اقوم في رمضان. ليه؟ لان ليلة واحدة في رمضان خير من الف شهر. يعني بتلاتة وثمانين سنة عبادة. يعني ليلة واحدة في رمضان - [00:58:48](#)

افضل من عمرك كله. وخد بالك تلاتة وثمانين سنة عبادة مشفيين. انما انت لو عشت ستين سنة منهم عشرين سنة نوم ومنهم خمسين سنة قبل البلوغ ومنهم خمس ست سنين مواصلات واتصالات ولغو ومنهم سبع تمن سنين مش عارف عامل ايه ونازل منين وجاي منين يا دوبك في الاخر لو انت مجتهد هيصفك - [00:59:08](#)

طفوا على عشر سنين. يعني ليلة واحد عشر سنين عبادة. يعني ليلة واحدة في رمضان ممكن تبقى افضل من عمرك تمن اضعاف. او تسع اضعاف اقف ليلة واحدة بس. ليلة واحدة. ففي ناس بتبع لرمضان ان هو خبطة السنة. ها خطط لي خبطتين فيه. واعصي ربنا زي ما انا عايز بعد كده. وناس - 00:59:28

رمضان انه شحنة السنة هجتهد فيه. وافضل ملصق نفسي طول السنة على الشحنة بتاعتته. بالناس بتبع لرمضان انه حصاد السنة. ان رمضان اخطر من ان يبقوا خبطة او يبقى شحنة يا ترى انت من انهي نوعية؟ اخواني واحبابي في الله. آآ يعني يعلم الله سبحانه وتعالى كم احب - 00:59:48

في الله ويعلم الله سبحانه وتعالى يعني آآ آآ يعني مقدار العواطف اللي في قلوبنا تجاه بعض يا اخواني. آآ يعني المفروض ان احنا نبقى اكتر ناس في الدنيا بتحب بعض. المفروض ان احنا نبقى اكتر ناس في الدنيا حريصة على بعض. آآ الشهرين دول بازن الله سبحانه وتعالى خلاص بقى. ما حدش يضحك علينا - 01:00:08

فيهم تروح الليلة بازن الله لو ما انتاش بادى ختمة تبدأ ختمة. ولو انت ماشي في خاتمة ابدأ يا ابني اقرأ صاح. كل ما تيجي عند اي الجنة اية نار - 01:00:28

اية قيامة يوما يجعل الولدان شيبا. او عى يا بني تمشي يا بني ماشي ورایح فين تعال. اقف بس اركز كده اهدى اهدى اهدى يا ابني 01:00:38  
ربنا يهدى سرك اهدى يا حبيبي يوما يجعل الولدان شيبا اقف يعني ايه يا رب؟ يعني ايه اقرأ تاني ما فهمتش اقرأ تالت -  
ما فهمتش اقرأ رابع. هتفضل تكرر الواحد جرب الطريقة ديت مرة في رمضان. والواحد سنة تالتة اجيب اية عن عزمه الله. اقرأها واكرر. مش حاسس. طب اية بعدها له مقايل السماوات والارض اقعد اقرأ واقوم واروح واجي برضو مش حاسس. يقوم يجي اية  
بعدها يبسط الرزق لمن يشاء. اقعد اكره - 01:00:58

والله يا اخواني شوية ولقيت الواحد قلبه اتغير تماما. ولقيت ايات عظمة ربنا ممكن تحدث في قلبك تغيير تاني خلاص. اتعهم عشان 01:01:18  
تجنوا يا شباب بازن الله سبحانه وتعالى التوصيات النهائية بالنسبة لرقم الواتساب آآ او الواتساب آآ باللغة المصرية آآ -  
آآ يعني آآ بفضل ومنة الله سبحانه وتعالى آآ آآ يعني اللهم لك الحمد يعني احنا بدأنا بس الاسبوع ده آآ بحوالى رسالتين تقربنا بس  
يعني بازن الله ولكن واحدة واحدة كده لأن الرقم يعني درجة المشاركة فيه او الاشتراك فيه يعني ممكن تكون بس ايه سرعتها كبيرة  
شوية يعني تسجيل الاسماء نفسها - 01:01:38

وكده بياخد وقت. فانا بذكركم تاني بالرقم بحيس ان احنا نبقى اسرة واحدة كده يعني كان احنا عايشين مع بعض. بازن الله  
 سبحانه وتعالى يقدر يعني اقدر ان ايه ان - 01:01:58

يعني بدل ما بنلتقي مع بعض مرة واحدة في الاسبوع لأبقى لنا لقاءات تانية على وسط الاسبوع جه موسم عبادة جه آآ حاجة  
ايمانية مهمة جه حدس مهم يبقى نقدر ان احنا نوصل لبعض بسرعة عايزين نعمل مظاهرة فعايزين نلم بعضا بسرعة مسلا. مسلا  
يعني ها مش انت بتوع مظاهرات برضه ولا ايه - 01:02:08

شكلكم كده بتوع مظاهرات. فالرقم قلنا ان هو صفر عشرة اتنين تلاتين تلاتين مية صفر عشرة اتنين تلاتين مية بازن الله  
 سبحانه وتعالى. آآ آآ بذكركم تاني بقى يعني رمضان اقترب يا اخواني في الله. فممك بعض الطلبة والطالبات يقول لك انا مش هاجي  
 التحفيز. تحفيز - 01:02:28

القرآن يعني مش وقته او عى تقطع حبل بينك وبين الله. تعال ولو مرة في الاسبوع. تعال ولو نص صفحة في الاسبوع. تعالى ولو  
هتراجعي بس مش هتحفظي جديد انما او عى تقطع عمل ربنا فتح لك بابه عشان تلاقي بعد الامتحانات ان شاء الله الطريق مفتوح  
قدمك. عايزين بازن الله ايام الامتحانات ديت - 01:02:48

نجتهد وكل حاجة انما ما ننساش ابدا ان قلوبنا محتاجة تتشنحن. الشهرين اللي جايین دول مضمار جهاد. يعني ربنا يعني جمیعا  
ونجتهد جمیعا. ان شاء الله ورش بعد الدرس مباشرة بازن الله. يعني اتمنى يا جماعة ان يبقى فيه تفعيل اكتر دور الورش بینا وبين  
بعض. ان يبقى فيه لقاءات بینا وبين بعض - 01:03:08

على مدى وسط الأسبوع بازن الله سبحانه وتعالى عشان لما ييجي رمضان بقى ييقى احنا دخلنا في دم بعض نقدر ننطلق في العبادة مع بعض بازن الله سبحانه وتعالى اللهم تب علينا توبة ترضي بها عنا. اللهم بلغنا رمضان واجعلنا فيه من الفائزين. اللهم بلغنا ليلة القدر واجعلنا فيها من الفائزين - 01:03:28

اللهم اعنا على ذكرك وشكرك وحسن عبادتك. اللهم طهر قلوبنا. اللهم اصلاح فساد قلوبنا. اللهم انر قلوبنا بنورك يا نور السماوات والارض. اللهم ايقظ عزمنا. اللهم اجعلنا من يتلون القرآن اثناء الليل واناء النهار. على الوجه الذي يرضيك عنا - 01:03:48

اللهم اجعل القرآن العظيم ربنا وذهاب احزاننا وجلاء همومنا. اللهم ذكرنا انه ما نسينا. اللهم علمنا منه ما جهلنا. يا رب. اللهم اجعلنا لك صوماين. لك قوامين. لك ذكارين. لك شكارين - 01:04:08

اللهم استعملنا ولا تستبدلنا. اللهم استعملنا ولا تستبدلنا. اللهم لا تتولى عنا. اللهم استعملنا في الدعوة اليك يا رب. اللهم استعملنا في نصرة دينك يا رب. اللهم استعملنا في الصيام والقيام. اللهم استعملنا - 01:04:28

في الصيام والقيام. اللهم استعملنا في الصيام والقيام برحمتك يا ارحم الراحمين. سبحانه اللهم وبحمدك اشهد ان لا اله الا انت استغفرك واتوب اليك - 01:04:48